

大清光緒十六年

本館新聞除禮拜外日出一
紙 諸君賜閱本報者無論
本埠外埠均可致本館取
閱如外埠閱報照加寄費可
也除日報照常刊送外復不
惜工本從英法德俄各國
紙各機器以待與 各官商
刊印書籍單件並有英國各
體活字及各式花邊等延有
西人排印工藝甚精所有中
西文字均能刊印並有石版
印字大小機器均用精工刊

申報

號一廿第牌門口虱巴魯在設開館本

印工緻絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬
成文以及支離費解者概不
登報嗣後 諸翁來札尚祈
自諒更須寫明里而後敢
登但來稿登與不登均不能
將原稿收回也 本館謹白

庚寅正月廿九日

凡刊印告白第一日每一字一仙第二日以下每字半仙 大英一千八百九十二年八月十八號禮拜二 每張售錢五文 每月一元 每季三元 每半年五元 每年十元

新到各種奇書發售 ○啟者本館近由上海姑蘇等處採買各種奇異新書及地輿圖誌等奉
叻發售其書或銅板木板鉛板石板均無不有且字畫詩書等項尤繁多有叻地未嘗經見者其有益於世
道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也所有各書
目經已另列單張附呈 鈞覽閱者 鑒焉
本館謹白

中國宜合英以拒俄說

近來迭接郵電各報言俄國舉動實於中國大有可虞而本報亦屢論列之然僅言備邊防尚未及牽連控
制之法也蓋俄國地廣漠而民獷悍樂於戰鬥萬一事起在中國雖能抵禦然以獨力而當其銳究不若分
力以制其鋒此連橫之舉不可不知也竊按天下羣邦其在亞洲稱爲大國者則中國與日本而已中日兩
國素號同文通聘問往來者實爲最久是固唇齒相依輔車相輔者若兩國能同心協力則何思有外侮
之來所奈日本近來阿附於俄留受俄以圖獻媚加以薩希倫一島與俄換取下夷島一事其於日本大有
所虧乃日本亦甘受無辭殆亦畏俄之威慕俄之勢耳然則日本一國斷無有與中國聯合之期捨是欲求
勢強力大可以緩急相依能合中朝以掣俄人之肘者則惟英而已何者英人之於中國其商務最鉅則
於中原之事英國最屬關心故前者中外屢次齟齬英國均力出而居間蓋中原有事則於英之商務大有
所防是英國之與中朝實有憂戚相關之誼至於英俄二國雖曰有姻親之好然其心則常積不相能一伏
隙於土耳其再結嫌於阿富汗三銜恨於高勾麗然則此二國者近雖交歡甚密然其心之互相防備者實
嚴蓋俄人窺伺印度之心已非朝夕奈爲土耳其阿富汗諸邦屏蔽故俄人終不敢越境而爭是以土俄之
戰土爲俄敗英即出而勒兵勸和又如俄人方與阿富汗王密議因宿於阿京英遂藉以爲詞而有征阿之
舉行廢立之典置主屬之權凡此所爲均欲扼其咽喉使俄人不能進窺印度耳英之備俄如此其切而俄
之圖英者其志亦未嘗稍衰如一千八百八十二年俄國已有隱圖英屬之心業已密繪英國外府形圖欲
進窺南洋各屬以及新金山一帶幸其要函爲英所得其謀遂洩俄知有備遂不敢冒昧爲之迨至一千八
百八十四年俄又欲起而圖英其費幾成當日英之籌防因爲之夜以繼日所幸垂成而止然兩國之心尙
不無芥蒂存焉也况俄人復有進窺西藏之謀前日報中已爲之錄列至西藏雖爲中朝所屬然若爲俄人
所得則於英有可虞蓋其地與印度爲鄰疆土最爲密邇若爲俄有則其進窺印度更不必假道於土耳其
等國尤爲便捷是可知俄人之窺西藏於英國大有所關也然則爲中國計者正宜聯合英國以禦俄人聯
合之法如何則亦惟有以西藏與英國通商而已蓋英國欲通商於西藏其善志已有數年若將前後兩藏
與英通商則其地已開爲口岸俄人縱欲圖之亦將何從下手乎况英國今日強冠歐洲各國開風多深傾
慕若得英國與中朝相合則土耳其阿富汗埃及各國亦莫不相附是時聲勢益雄遂可隱杜俄人之妄想
此不惟能拒俄人之寇且能使中俄之好可以永敦銷兵氣於無形中此舉實爲要者也况今日連橫之約
海外早已風行德奧意則擊於其先俄法則踵於其繼既而德奧俄又相聯合歐洲大國所未與於盟內者
惟英而已是以英國初欲與土耳其其連約奈事不果行倘中國聯英而並土耳其以制俄人使其不敢作東
顧之思是不特中國能受其庇而英商亦蒙其福甚即天下各國之生靈亦不啻不爲厚幸也中朝當道其
盍早爲之計及也耶

諭旨恭錄

○正月初三日奉 上諭朕於閏二月十五日恭奉 慈禧端佑康頤昭豫莊誠壽恭
欽獻皇太后祇謁 東陵禮成後於二十三日還宮所有應行事宜着各該衙門照例敬謹預備欽此○初
五日奉 上諭長庚奏請調員差遣等語記名副都統正藍旗護軍統領英裕候選同知嚴金清着伊華將
軍江蘇巡撫即飭該二員前赴西藏交長庚差遣委用新疆候補州同錢宗彝着准其留藏差遣該部知道
欽此初六日奉 上諭本格格奏假期屆滿病仍未痊懇開去差使並請停俸一摺豫親王本格格着准其開去
一切差使加恩賞食半俸一俟病愈即行銷假當差欽此○初七日奉 旨著派載澂總理行營事務大臣
欽此同日奉 旨奕綱著補授閱兵大臣欽此同日奉 上諭張之洞奏總兵丁憂開缺請旨簡放一摺湖
北宜昌鎮總兵羅縉紳蒞任多年熟悉地方情形統帶師船素稱得力着改爲署任以重職守欽此

山施容事電音 ○二十五日英京發來電音云亞非利加山施容部之蘇丹現在業經作古等情至於所緣何病而殞則電文猶未輕述及也

戰船誤事電音 ○廿五日英京發來電報云英國戰船君斯魁士現在賓督海面誤駛於沙濬之上云云查該戰船大有二千三百八十墩前派在英國東部戰船隊中近再調往印度東方戰艦隊內駐防前於去冬十一月廿九日駐於叻港時曾為商船蘭士敦所碰當時該戰船尚無損壞故仍可以駛行今復擱於沙濬之中想有不能保全之慮矣

葡國郵音 ○歐洲遞來郵信云現在英人之旅居葡國者甚為葡人所辱而葡國之刺殺土地方軍心咸怒英人甚切國家因此防備甚嚴已將各營門戶皆為關閉乃諸兵等竟破門而出在道上喧嘩其詞則皆毀辱英人而稱頌葡將官都之勇又聞葡國巴馬羅親王已自解私費捐助銀四十萬磅製造鐵甲戰船一艘藉以壯其軍勢云觀葡人所為如是諒非可以善為了局者也

府憲榮旋 ○本坡巡理府正堂阿公于那現已請假回英即不復來叻地此緣阿公服官已久現在已屆致仕之年故欲歸老林泉受其長俸以享遐邇之福聞公已定於廿九日附搭英國郵船邊尼修刺回國而所遺之缺即由知府銜現任本坡郵政司烏勿來因君暫為代理以俟上游遴選幹員補授是缺云

臬署堂期 ○本坡臬署審訊刑獄之期以兩閱月開堂一次本屆臬憲堂期現已定於西三月十一號即華二月廿一日開訊然此次乃新任按察使司烏廉訪提訊刑獄之始想新刑初發自必明鑒無虛也

離郵獄囚 ○昨閱憲報云本坡獄內B字隊中囚犯其日用火食已為更改每日每名所有食用計麵粉四安沙半豆五安沙米廿安沙菜四安沙鹽椒兩項一安沙之七五香料一安沙此等火食乃給與土人囚犯定罪在二閱月以下者至於二月以上者其先六月內則每禮拜一三五即照以上火食給發若他族之囚其所犯乃係輕罪者亦照以上所發之火食支給而所犯國家餉項之囚亦照此給發以示恩卹云善乎此舉亦可見英政之仁矣

工部局稅章 ○本坡工部局前者所收稅門稅水稅以及馬車等各賦稅屆期之際必先發傳單通知一切俾稅者得以屆期繳納現在工部局業經議定將此章剝去嗣後完稅之法并不再發通知單據須自往為繳納其餘情節甚多業已登有告白列於本報後幅中覽之便悉也

議增助餉 ○廿四日為本坡議政局開門聚議之期時施制軍在院內曾對諸員謂近奉英廷之諭稱現在實得力即叻嶼甲等處已成英國要藩則守禦一端不得不嚴為辦理年來叻嶼甲之賦稅除度支外已有盈餘前者英廷所派陸軍到此駐防而實得力所支軍餉不過補助些須而已故英廷現議每年實得力國家宜出十萬磅之資以充軍餉所餘之項則由英廷自為料理而英廷更富再添軍士以為助守庶期有備無患云制軍之言如此因查前者實得力三府所助之項每年計共廿四萬零五百元無論銀價漲落均如此數今則易云為磅然則已約增有一倍之多矣但此議在本坡諸局紳皆不允從謂實得力之稅項雖云尚有盈餘惟所有應支銷工程各費則刻尚多未能舉辦况現在若經允准嗣後即著為成例照此而行矧本坡生理雖謂年盛一年然此非商人獨受其益已也即英廷之受其益者亦有甚深蓋實得力乃為英國東藩要隘之區以為貯煤屯糧之用萬一海疆有事藉為取用利賴無窮然則何可將軍餉再增由是各執一詞莫衷一是嗣乃舉行投筒之法迫開閱看視則言宜為增助者竟多一紙蓋本坡之官則言宜增助而諸紳則謂為不宜而官票則較紳票為多故也嗣義不憚佛洋行東主下淡申君乃起而謂日本實得力國家雖應添補餉項以備增設防兵之用惟每年至十萬磅之鉅則非實得力之力所能勝任雖每年船隻於此出入口者為數甚多然此係過路之船本坡實未嘗沾其利益况所添之軍實得力國家當預備營房等一切以為安頓并此該實則每年所助之款已不下十三萬零千磅之多况香港一隅駐守之軍已至三千名此因港地亦為要隘此中生理亦殊不少之故惟港地每年補助英廷之費則僅二萬磅而已故求制軍再將此種情形稟奏英廷是為區區云云旌製軍允其所請矣


命案續聞 ○廿四晚晚門街萃英書院前之命案前經列報查此案之正兇林壽係閩之詔安人向在該街裕美號內充當庖丁是夜刺斃人命後知事不便故已潛遁無蹤是以有司遂將該兇主人邱天錫楊增勝二人拘獲到案嗣乃查得邱事外之人當夜該閩之時邱并未在場故特將其開釋而楊則欲照第一百零八條犯法之律控其主使行兇送於府案廿六日業經府尊堂訊問命將此案展至二月初四日再行傳訊但命案重大故命將被告羈禁候訊不准覓人具保云

疊運賭禁 ○近來本坡賭禁甚嚴乃賭徒恐不畏法公然違之旋捕旋開竟有視王法為無奈之何者賭徒之猖狂若此是亦閩間之隱患也廿六日本坡巡捕總差率同差役等至丹戎巴葛某工廠捕獲賭徒計十五名解赴案定於本口開堂審訊查該廠向多賭博於廿四日業經巡捕獲賭徒十二名解案廿五日府尊堂訊分別重輕為之論罰內有犯四人每名判罰銀十元其餘八名判罰銀五元各皆遵罰而歸乃翌日又復開場以至再為執獲履懲不改其頑劣之處亦可知矣

售出樹鐵名馳



○嘗思養生之道所最要者則惟飲薄其次則惟銀兩然必須有以善藏始無意外此本行鐵櫥所以為 諸翁之所共賞也啟者本行所賣之鐵櫥久已馳名於東方一帶而於叻坡則聲名尤著至本行沽賣此等鐵櫥已有三十年之久其製甚為堅固保能避火且其匙鑰甚妙斷非盜賊等所能開計其櫥全身均用鐵製成並無雜以木料且諸櫥自前至今均為一式堅固並無有優劣之分至於各櫥大小不一而價值則約一百元至四百元凡用之者可保其不礙焚燒即遇火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百八十九年十一月廿八號




明嗎也洋行謹啟

售發酒密烏



啟者本行向由英國督辦各種美酒來叻發售久已遐邇馳名茲復由英新辦到顏爾士斗雲字號之狗頭標烏密酒到叻應沽此酒香爽異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲沽飲者請至本行取用可也此佈 大英一千八百八十八年八月十五號 明嗎也洋行啟

售出酒池蘭萬標窠蜂上頂國法




啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨沽買是荷 大英一千八百八十八年六月二十號 大清光緒十四年五月十一日 明嗎也公司謹啟

酒品三賣出




啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君沽買本行白頭三品酒者請細認本號招牌之內有小紙包頭計華字新嘉坡明嗎也公司者如無若此字樣即屬偽冒請為細認特此佈 聞 大英一千八百八十五年十二月十九號 明嗎也公司謹啟

賣出酒蜜



啟者茲本行由歐洲辦到上等密酒來叻發售其酒甚佳茲將標頭印出 諸君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能販往 加勝吧 三寶壟 泗里末 望加錫 檳榔嶼 日裡等處其他各埠均能運往並此佈聞 大英一千八百八十六年十一月十八號 明嗎也洋行謹啟



賭案確罰 ○昨報丹戎巴葛某工廠捕獲賭徒十五名解於府案一事現此案昨經府尊訊定無論首從判各罰銀十元無銀監禁十四日以示懲儆

火焚其巢 ○會黨之禁自古維嚴而凶人之樹黨立朋氣聯作偽往往有懲不畏法者詎知犀燃牛渚鬼怪罔得潛形然後知作偽者自有定刑憲章煌煌殊可畏矣聞泉同安縣郊遷社有葉最者年屆不惑生子數人壯強武悍父子之間所為均多不軌私立會黨妄作妄為跡其衣食之計舍非義之財無以圖活是亦鄉落中之一大蠹也然惟惡跡未彰雖地方官明鏡高懸無從得悉而其鄉鄰磁山社有葉世德與葉龍者見仲也皆入武庠時與葉最有隙向來積不相能而未得其間不能置彼於獄以快厥心適於去臘葉最父子復為開設花會聚眾賭博煌煌法紀藐若具文於是葉龍構得其間遂即具稟赴縣控告以故縣令親率勁勇等赴於葉最之宅稽查不料葉最父子皆緣賭外尚未歸來惟存婦女數口而已詎該縣令率差等圍宅遍搜匪特賭具猶存且有洋鎗三枚火藥五大箱大小彈子二箱及一大布包縣令見其私貯兵器有違例則諒亦謀為不軌者及察其平日所行乃知某會黨係葉最為其首領因命差等將鎗藥各物携向縣署而去而葉最父子現已在逃未能即獲聞縣令已率差而火其宅焉此去歲臘月十八日事也

控其為盜 ○嘗讀易而至天水訟有曰訟則終凶從可知訟之一事縱幸而得直猶有終凶矧不幸而不得其直者則其禍曷可勝言哉是訟之不可好也明矣然而好勝之人不足與議也觀蔡某之誣其神者殊有令人嗤其愚矣蔡某者閩泉同安縣人其神曷可勝言人也神曷已謝尚存棟墓三株後先輝映惟世以燒燬為活積饋銀銖家資厚擁故富甲一鄉長其驕悍而某之乖戾為尤甚由是鄉人之受其魚肉者實繁有徒然莫不以其財雄勢鉅之故願敢與較忍隱受之而咸以其身為聚怨府矣先是坑打鄉呂甲者與某比鄰而居其宗支蕃衍甲於某鄉眾寡相形某之鄉大有式微之感惟甲賦性純樸家素赤貧常備一葉扁舟為圖活計事緣去臘間嘗駕一舟為某運配海泥為陶所需迨至某窳起坵已畢甲欲泛舟而返詎某誤聽讒黃之口謂甲有盜其草根灰者約有百斤之譜某信以為然遂不察其是否乃率其平日驕悍之性竟向甲而率以老拳甲不解其故已受所辱徐則察知其誣已作盜不覺念火中焚以為白璧無瑕不甘受此蒙污是以兩相交擊如鰓蚌之互持不謂某力不敵竟被甲拳足交施推之入水幸觀者頗眾拯其出險因而勸解厥爭甲歸去甲遂泛舟而返惟某以其入水之辱無限羞慚遂使銅臭薰天必欲置甲於死地而後快乃工其心計竟誣甲為盜劫其家因即赴縣控告以為置甲於囹圄中雪恨自有其期也詎縣尊因其所稟遂即率武弁等親赴該鄉查緝而究之事屬子虛春光原難不洩矧查甲之鄉人僉謂甲為誠樸者流安有盜作妄為之事其實某之誣良乃有斯舉聞縣令以案無可據亦即返駕而去至事之了否亦未知其所終惟聞某之誣甲為盜甲之鄉人如此其眾莫不怒其恃富欺貧均不為其所直究結一團而某以眾怒難犯始悔已之輕狂然恐禍水一泓終難立涸而變生不測有備自可無虞故特倩其鄰鄉陳族者五十餘人為之守護厥居計其費亦已不啻某確席豐履厚其亦高枕難安矣謂某為愚不誠然哉

帶繫耶心 ○韓昌黎詩云偶然喚作木居士便有無窮求福人世之詔讀鬼神者將無作有不特杜十姨五鬚翁自古貽為笑柄且今人之誣妄更有甚於古者即至一花一木亦各求神禱鬼以獻其求媚之心於是花木之妖從而憑之即左氏所謂妖由人興也廣東都城隍祠於游撫惡未革積弊之先廟之西偏有小院落闕地數弓中植修竹數竿光禿一樹竹下有小廟焉廟中端坐女像俗名之曰竹樹三娘之神荒誕無稽不知所謂亦妖廟而淫祀者也姑不具論其光禿之樹神棍稱之曰光禿神時常局閉院門男子不得入內觀看如有妻妾爭寵及妓女欲結所歡者入而祀之神棍必索重資然後啟關放入得祀光禿之神夫光禿何神不過草木之無知耳其祀之也曷故蓋光禿之木其高百尺旁無附枝直幹參天其心一而不分如所謂木之神不二人之心無偏向也世人遂從而附會之謂樹者耶也聲相近而相通也凡婦人有不得於其夫與妓妾之欲擅專房者求媚於神之祐其耶而使耶心之一如概焉其祀之法剪紙為人黏於其樹呼耶之姓名而暗禱之禱畢自解其裙腰之繡帶或繫其袖脚之錦帶繫於樹身而更換新帶以自繫如古詩所謂昨夜裙帶解者欲以此而繫耶心也又有不繫以帶而繫以燈心之草者則又取心心相契之意然此乃彘狎之事不足為外人道故平時院門深鎖人不得見及至去臘廟中革除積弊凡有淫祀一概毀之院門洞開始見光禿一樹大可合抱所繫之帶繫繫然纏繞腰際陸放翁解帶量長舊圍之句殊未能比其萬一且或有丁香之結或有芙蓉之鏡或有同心之絲或有長命之縷或有曹女之蓮枝或有安妃之綠縷繫樹既久雖與雨薛疊碧烟羅紆青而餘香尚存此心固結而不可解也吾偶得見之不禁啞然而笑欲呼樹而問諸神其果能通靈如計偏為繡閣名姝青樓嬌婦而易其纏耶之心性否也

歲暮聞雷 ○福州自十一月初十日下午雨之後天氣晴明而寒色逼人頗似隆冬氣候至本月廿一日忽起南風轉而為暖入夜小有微雨至次日午後二點鐘時大雨傾盆雷聲隆隆如春日迨至六點鐘雷又發聲大而且久不知主何朕兆也

春草五言二十韻 ○瞥見平原草春深綠滿軒暖晴搖鳳尾新嫩龍鬚衆卉芳心共惟天好色俱蒙茸灣曲澗黠綫短長途引起三眠柳牽來九節蒲花應堪伴木豈可為徒時舞風前帶常垂雨後珠門誰指佞空谷早生芻鹿過香留跡人遊景覺娛踏青裙礙婦拾翠鈿遺灰驚憶低飛處蛙鳴獨聽鳴碧澗流浦吐瑞又送庭數得氣貫沾露知名却喚湖結管俄戰士殖畝怒耕夫德縱人呼小兵疑陣是圖生原因

聲明開騙
 啟者茲有遊僧名授水又名安忍原係檳城觀音亭僧徒不守清規被逐在外專以拐騙為事近日竟敢假冒振成與苑生諸大公司印信並假作書信又偽做告白請古友軒代印冒稱本城天福宮修創無力告成欲以求惡各外埠殷商捐助等情後因請翰墨林陳秉章先生代抄書信經秉章測出假冒查問本宮乃知此輩遊僧假人名目欺騙財利經本宮住持新告 振成大公司案前即蒙查拿究辦特此佈告四方善信 諸君子如有被騙錢財向他追究勿再受其所欺可也專此佈 聞
 光緒十六年正月二十六日
 本城天福宮謹啟

報窮攤繳告白
 啟者茲因本坡麻六甲街第二十及二十一號門牌長茂號林長喜前者生涯倒閉以致報窮一案茲欲將所聚收之項分核攤償諸債主特此通知所有為林長喜欠項之人如該項尚未報明者須於西三月十四號即華二月廿四日以前將其所欠之項開列詳細清單到來報明一切倘逾期不來報明者乃為自誤不得在攤償之列特此聲明
 大英一千八百九十年二月十四號 光緒十六年正月二十五日
 辦理倒盤報窮事務人員何倫美謹啟

恒洽與拆夥告白
 啟者茲因恒洽與號合夥之事為原告陳來發 陳朝芝 陳華意控告陳阿雄一案經在臬堂審訊蒙臬憲於一千八百九十年正月十六號即華已丑年十二月十六日判定將其股份分拆茲特通知所有恒洽與號有欠到各 寶號之數定於西二月二十二號即華二月初四日以前將其欠項詳細列單封固黏貼印由信局寄交奴汝那卑亞狀師手查收以便較閱倘逾期不交乃為自誤以後不得過問而其欠項則定西二月二十八號即華二月初十禮拜五上午十一點鐘在本坡臬憲內經歷司寫字房內查究是否償還以歸清楚特此佈 聞
 大英一千八百九十年二月三號 大清光緒十六年正月十四日 謹啟

女醫問世
 啟者氏向在美習醫有年前到叻中欲行於世現定以每日十一點鐘起至十二點鐘止在中華藥房內以應 諸君之聘倘有賜教者祈如期 惠臨為盼
 大英一千八百九十年正月十一號 西國女醫威勞付謹啟


美國紐最上等雪文發售
 啟者茲本行有新到美國紐約地方所出之雪文一種堅實異常用以洗濯漆器等物甚為潔淨計所有漆器漆布樓枋桌櫃等若經此雪文洗濯儼與新者無殊至於盤碗鼎鑊等物若有油污洗之立淨他如白鐵器物洗之亦無異於新者所有面盆浴桶及電頭一切油膩所污之物一經洗濯無不鮮明異常但口說無憑用過方知其妙也 諸君賜顧宜細為辨認勿致有魚珠之混至於本店所沽者乃美國紐約意奴模頭公司所製較於別家尤勝故能馳名遠近也 諸君惠顧祈早 玉臨不勝厚幸
 大英一千八百九十年二月十號 大清光緒十六年正月二十一日 不殺呼容洋行謹啟

中國日本及實得力信託及典當有限公司告白
 啟者茲本行承命在叻嶼代理該公司一切事宜如蒙士商有欲借貸以及典當上等產業及其他貴重之物為質者可至本行面商一切便妥特此佈聞
 大英一千八百九十年正月廿七號 義不憐佛洋行謹啟

印度皇家洋面有限公司告白
 啟者茲承印度皇家洋面保險有限公司總理人委命本行為該公司之代理人駐於叻中專代 諸君受保洋面一切保險事宜計該公司所集老本銀共三百萬盾之多所有保價極從廉取斷不至較別家為貴 諸君賜顧請 玉臨本行面商為禱
 大英一千八百八十九年十二月十四號 大清光緒十五年十一月廿二日 韓珍目兄弟洋行謹啟

猶尼峇西洋面保險有限公司告白
 啟者茲本行承猶尼峇西洋面保險有限公司總理人之命為駐叻之代理人代受洋面保險一切事宜至於所保之價均與他家相同斷不多為濫索倘 諸君有船隻等項欲於洋面保險者請移玉惠臨相商為盼此佈 聞
 大英一千八百八十九年十二月十號 大清光緒十五年十一月廿二日 韓珍目兄弟洋行謹啟

售出酒密標頭象上頂



啟者本行親由歐洲辦到象頭標頂上密酒來叻發售此酒香味均勝尋常飲之能令人血氣流通且能解毒並無濕熱之患亦無亂性之譏實為有益無損為酒中之上品 諸翁光顧祈為細辨標頭管真香味庶免為低貨所混不勝厚幸本行設在麻六甲街與萬興號為鄰 諸翁惠臨請勞玉趾為荷
 大英一千八百八十九年十二月十七號 總買洋行謹啟

告白
 啟者本館業經印就庚寅年之月份牌發售西曆印中西字樣均為玲瓏玉綴與他家所印者不同且較對無訛恐遠時畫書所定并繪畫春牛圖等各種圖畫於上所有白紙色紙設色白描各款俱備以憑選擇 諸翁有欲置買者祈早 惠臨看閱價甚相宜此佈
 本館謹啟

白密酒出售



啟者本行現在歐洲督辦德麥之白密酒及卑
地拿之白密酒來叻發售其酒係伴飛
燕標 卑地拿之酒係伴燕標其酒香與異常
可以止渴潤腸且能多飲亦不至有醉人之患
在叻嶼甲各地以及蘇門答納蘇羅羅安南
等處 諸君均喜飲之而叻地各酒店更多購
用本行之酒可見酒質之獎故能廣銷場



而本行并有希打馬號之威質枝酒及蘇爾勿蘭號之狗標加歷力
酒均係西方佳釀且價廉味高與市釀大相逕庭而本行復製有紙
烟及歐洲各式烟發售更有鐵厨製造甚精前無雜以木料而其鎖
鑰非盜賊所能開本行之沽賣此厨已有五十年之久素蒙諸君樂
為購用并有製造水塊之小機器出售四點鐘內可製頂上水塊七
磅精美異常 諸君有欲賜顧者請移玉惠臨選購為盼特此佈聞
大英一千八百八十九年十二月二號 葛士兄弟洋行告白

新到頂上呂宋烟及各式烟等發售 ○啟者本號常有新到頂上呂宋烟發售其烟乃本號親在小呂宋採辦上料精工監製載至
本號發售其烟之名號如 刺因修刺 刺干士丹西亞 刺巴刺 下路高美打民路鳥里因知等名烟無不俱備又荷蘭及刺刺馬印仰光
等烟亦常有便沽其荷蘭烟乃向荷京之蘭亞卓等家購至而刺刺馬印仰光之烟則向仰光曼多尼等諸名家購辦載來而本號并備有
烟乃將西國之頂上名烟捲就如威馬刺刺勞士 刺因修刺 魯兒那勿刺乙 瑞乙加波路等 各名烟均無不有此乃向美國魯兒那地
方亞蘭仁打號所選購其香清越其味醇厚令人吸之心曠神怡迥非他家所及其土耳其之烟乃向土京毛刺池公司採辦而本號并有督
辦頂上之棉不勞參及馳名之直里加士打即三金塔之美國烟絲發售以備 諸翁自行捲用前常有呂宋烟袋及各烟盒呂宋烟嘴等發售
而烟嘴之款式甚多可備 諸翁選擇前自辦各式烟紙如 威峇 高士模寶來乙 然 馬路居士 埃奧奧等款式甚多不能盡錄 諸
尊惠顧無不格外從廉以冀廣為銷流倘 諸紳商有欲賜顧者請至土庫花園邊第八號門牌吉城拍賣館之隣細認門前大玻璃窗上書金
色西字招牌庶不至誤特此佈聞 大英一千八百八十九年十一月廿六號 打峇基里亞幼尼巴西烟店謹白

再為佈告 ○啟者本號以上所出之告白有烟名曰刺因脩刺者烟此乃天下馳名久為眾士商所共悉其夏灣拿裝者乃特聘龜
之最上名工所製其卑立巴因裝者乃為前者小呂宋國家督造呂宋烟之工頭督製其烟葉乃精選本號自種之刺伊沙未刺里加牙兒安及
巫越打亞答菜園中所產之頂上烟葉所製此烟於前者歐洲開設賽烟會之際曾經往賽已得有金寶星二顆因當時會中天下各處所製之
烟無有能出其右者於此可見本號之呂宋烟久已馳名於天下而 諸士商所樂為之購買者也是以本號另行分枝一間在新嘉坡土庫
花園邊第八號門牌吉城拍賣館之隣以便諸紳商人等時加惠顧以應所需倘蒙 諸翁賜顧尚懇移 玉前來以憑選揀本號於西國各
無不備有且其價格格外從廉尚懇惠臨不勝厚幸特此再啟 英一千八百八十九年十一月廿六號 打峇基里亞幼尼巴西烟店謹白

RIGAND'S KANAGA WATER.
列願干那芽花露水 ○此水係以干那芽花
所製其花出自日本國中香冠凡卉乃列願君
在日本採辦載回法京製成此水以故其香甚
之而其用亦甚善如皮膚有皺裂等病抹此香
水固能愈痊尤可解蚊口之毒若以此香水和
水盥洗固能令人肌膚嫩滑顏色光潤且瘡癩
不生本藥房製成此種花露水銷流已久遐邇
傳揚不料近有德商仿照本藥房所造此水以
圖射利其質氣味遠遜迥隔霄壤 諸尊有購
買此水者請看以下所列第一欸之西字標頭
本藥房所用製成此水之樽係有浮凸字樣如
下所列第二欸式且有西字註明列願公司字
樣如標各均有細書號據始為真貨否則係為
混冒尚祈慎購至於各式人等有假冒本藥房
花露水或由外處運來或在本坡發售一概本
藥房查出定必嚴行控究至本藥房之花露水
係託新嘉坡藥房麥加君代售並未開枝別處
併此聲明此

MORRHUOL.
模好呂解毒係元藥丸
○此丸端治虛損吐
血花柳傳毒咳嗽哮喘
目痛重舌等症其效如
神且不惟解毒並且能
調和營衛葆養精神現
在法英美等國醫士所
用花柳敗毒之藥均用
此丸無不藥到病除立
見春回若服此丸須仿
照飲魚肝油之法要緩
緩吞下必於用飯時吞
飲一二粒切勿誤為急
吞以背腹法此丸係以
樽裝載每樽計一百粒
現託新嘉坡藥房麥加
君處代售此佈
大英十一月八號

SANTAL MIDY,
DR. MIDY'S SANDAL OIL CAPSULES.
檀香油藥粒 ○此藥
係製成油質以薄皮一
重裹作粒形以便易吞
而其藥力能端治花柳
淫毒白濁白帶癰閉一
切等症如症雖後約歷
二三日即見功效但所
患過重者須每日吞食
六次每次吞食二粒至
痊愈後宜再服十日
庶得消除後患永絕根
株惟食此藥時宜戒色
慾氣怒勞動等事
幸勿自誤致誤藥力之
不神也現此藥託交新
嘉坡藥房麥加君處代
售此佈

FRUIT JULIEN.
浮律如聖果糖漿 ○此
藥糖係採鮮果之汁加以
藥料和製成塊略如糖粒
氣味甘佳而其功效較於
瀉油為日無論男女老幼
均能飲食且其味有如糖
菓最為適口尤為小兒所
愛其藥力均可治胆汁太
多重舌頭痛鬱結大便不
通斑疹血熱血毒以及皮
膚癢癢等症飲之亦可涼
血行滯且能令臟腑潔淨
痼疾立除但飲之法宜於
臨睡時嚼飲一二粒至翌
早飲茶一杯須臾即覺大
便通利身體爽快此藥現
託交新嘉坡藥房麥加
君處代售此佈